

# Хальмг бичачнрин гурвдгч хург

Августин 16-17-д, Элсг балгасна кинотеатрин багъ зал дүүрэд, хальмг бичачнрин III-ч хургин делегатнр болн хургт орлцачнр хурицхав. Трибунур СССР-н бичачнрин Союзин член, дали дорвтэ джанъгьрч Шавалин Дава гарад ирлгьнлэнь, делегатнр болн гиичнр йир халунар энүг тосдж, ииргдж аьх ташцхав. Кбгши джанъгьрч хургиг секэд, хальмг улсин байрта джиргьлин тускар, энүг делдсн Коммунистическ партъд, Советск правительствд арун ханлт бргдж, мана ори-нутгин олн келн-амтнэ бат иньгллтин тускар, дэн уга тбвкнүн баяхин тблэ эднэ зүткдгинь темдгдлж келв.

Хургин президиумд, джанъгьрч Шавалин Дава, КПСС-н обкомин сеглэтрмүд ур Ц. О. Саврушев, ур Б. О. Джимбинов, РСФСР-н бичачнрин Союзин оргкомитетин ахлагин дарук, „Огонек“ журналин ах редактор, бичач ур А. В. Софронов, РСФСР-н бичачнрин Союзин оргкомитетин член, „Джанъгьриг“ орсд орчулсн бичач ур С. И. Липкин, кесг бичачнр, журналистнр болн олна элчнр сунъгьгдв.

Хургин делегатнр болн орлцачнр шунмгъагьар аьх ташлж кундтэ президиумд—КПСС-н ЦК-н Президиумиг шииндв.

Хургт куундгдх ним тбрмүд батлгдв:

1. Хальмг художественн литературин баядл болн куцаьх тбрмүд.
2. Хальмг бичачнрин Союзин правлень сунъгьлгьн.
3. РСФСР-н бичачнрин 1-ч хургт делегатнр сунъгьлгьн.

Хург толгьалджах поэт Кбглтин Даван селвгяр, хургин делегатнр болн олн гиичнр, социалистическ Тбрскайн харслгьнд аман бгсн бичачнрин неринь кундлдж, цугьар босцхав.

Турүн куундгдх тбрэр—хальмг художественн литературин баядл болн куцаьх тбрмүдин тускар Хальмг республикин бичачнрин Союзин оргкомитетин ахлаг, КПСС-н Хальмг обкомин сеглэтр ур Б. О. Джимбинов доклад кев.

Доклад тбгсснэ хббн кесг улс босдж уг келцхав. Тедн дунд, бичачнр Нарман Морхадж, Колян Сандж, Сусен Аксен, Сян-Бельгин Хаср, Кбктан Эльдэ, Липкин Семен, Эрднин Бадм, Дорджин Баснь, Эрнджэна Константин, Инджин Лидж, Кбглтин Дава, Хальмг облсовпрофин президиумин ахлаг Манцын Баснь, Ставропольск педагогическ институтин доцент Бадмин Бата, ВЛКСМ-н обкомин сеглэтр Надвлэ Баснь, Хальмг журналистнрин Союзин оргкомитетин ахлаг, „Хальмг унн“ газетин редактор Мукбвүнэ Дордж, нань чиги улс орлцв.

Цуг делегатнр болн гиичнр инк гидгяр сонъмсдж, РСФСР-н бичачнрин Союзин оргкомитетин ахлагин дарук, „Огонек“ журналин ах редактор ур

А. В. Софронови келсн угиньган бгч сонъсцхав.

Хургт, КПСС-н Хальмг обкомас, ВЛКСМ-н Хальмг обкомас, РСФСР-н бичачнрин Союзин оргкомитетас, Хальмг журналистнрин Союзин оргкомитетас, Хальмг облсовпрофин президиумас, „Хальмг унн“ болн „Советская калмыкия“ газетсин редакцсас, Кабардино-Балкарск АССР-н, Чечено-Ингушск АССР-н, Карачаево-Черкесск автономн областин бичачнрас болн кесг организацсас, учрежденьсас делегатнрин нернд ирсн йбралмүд умшгдв. Тедн дунд, СССР-н Деед Советин депутат, Кабардино-Балкарин поэт Кайси Кулиевин, Карачаево-Черкессин бичач Халимат Байрамукован, Чечено-Ингушск бичач Магомед Мамакаевин илгасн йбралмүд умшгдв.

Хургин хойрдгч тбрэр, Хальмг бичачнрин Союзин правленьд сунъгьлгьн болв. Тегэд правленэ членд бичачнр Джимбин Бембя, Колян Сандж, Кбглтин Дава, Сусен Аксен, Инджин Лидж нег дуугьар сунъгьгдв.

Дарунь гурвдгч тбрэр, РСФСР-н бичачнрин 1-ч хургт делегатнр сунъгьлгьн болв. РСФСР-н бичачнрин 1-ч хургт делегатнр болдж, бичачнр Джимбин Бембя, Инджин Лидж, Кбглтин Дава нег дуугьар сунъгьгдв.

Хальмг бичачнрин III-ч хург бмнан тавгдсн тбрмүдиг цугинь куундлж, хагьлад, кбдлмшан тбгскв.

Августин 17 асхн, хальмг бичачнр болн эклдж бичджэх улс, эвранны шулгүдэн умшдж бгсн, гиичнрт икар таасгдв.

Хальмг бичачнрин III-ч хургин материалмуд мана газетд даругьас тодрхагьар барлгдхмн.